

Kalaallit Nunaata nunap immikkoortuinut kommuneqarfinnullu aggorneqarnera pillugu Inatsisartut inatsisaat

Nunap immikkoortui

§ 1. Kalaallit Nunaat nunap immikkoortuinut Kitaanut, Avannaarsuanut Tunumullu aggorneqarpoq, taakkulu killingi ima aalajangersarneqarput:

1) Kitaa. Kujammut kimmullu killigai Atlantikoq, Ikersuaq Davis Avannaatalu Imaa. Avannamut killigaa titarneq allorniusat sanimukartut avannamut 78°-iata allorniusat ammukartut kimmut 44°-iata naapiffiannit allorniusat sanimukartut 75°-iata Kalaallit Nunaata kimmut sineriaanut attuunneranut, tassangaanniillu titarneq narlusuumik nangiinnarlugu immap killilernerani titarnermut aallaaviusumut (basisliniamut). Kangimut killigaa allorniusat ammukartut 44°-iata 78°-mik naapiffianniit kujammorluinnaq allorniusat sanimukartut avannamut 61°-iata kujammullu 60°40'-p allorniusat ammukartut 44°20'-ata naapiffiannut, tassangaanniillu Kangerlussuatsiap qeqqa atuarlugu Atlantikumut.

2) Avannaarsua. Kimmut avannamullu killigai Avannaata Imaa, Puikkaasorsuaq, Kane Basin, Kennedy Kanal, Hall Basin, Robeson Kanal aamma Sikuiutsoq Avannarleq. Kujammut killigai Kitaanut Tunumullu killeqarfigitinneqartut.

3) Tunu. Kangimut killigaa Atlantikoq. Avannamut Nordostrundingimiit titarneq Romersø-enip avannaani kuuit tunussutigiillutik kuuttut aariaannut Kronprins Christian Land aqqusaarlugu sersersuup sinaanut, tassangaanniillu narlusuumik ingerlaqqilluni allorniusat sanimukartut 78°-iat allorniusallu ammukartut kimmut 44°-iata naapiffiannut. Kimmut kujammullu killigaa Kitaata kangimut killiga.

Imm. 2. Killeqarfiliineq pillugu nunap assinga ilanngunneqartoq allatigut innersuussutigineqarpoq.

Kommuneqarfiit

§ 2. Kalaallit Nunaat aggorneqarpoq kommuneqarfinnut Kommune Kujalleq, Kommuneqarfik Sermersooq, Qeqqata Kommunaa aamma Qaasuitsup Kommunaa.

Imm. 2. Killingisa aalajangersarneqarnerannut tunngatillugu takukkit nunap assingi I,II,III aamma IV ilaliussatut ilaatinneqartut.

Kommuneqarfiit killingisa aalajangersarnerat

§ 3. Kommuneqarfiit killingi ataani imm. 2-5-imi taaneqartutut aalajangersarneqarput.

Imm. 2. Kommune Kujalleq: Kommuneqarfiup avannamut killingata aallaavigai kangimut Irmingerhavet qeqertap Timmiarmiut avannaaniittoq tassunga avannamut kangimut kangerluk TimmiarmiitKangertivat atuarlugu kangerluup qinnguanut sermip nakkaavianut Snehatten-ip kitaani. Killinga sermip nakkaasup qeqqatigut sersersuarmut ingerlavoq narlusuumillu titarlugu allorniusap avannamut 62° 44' 50"-ip

kimmullu 44°00'00"-imut (WGS 84). Tassannga titarneq narlusuumik Sermersuaq ikaarlugu allorniusat avannamut 62°04'10", kimmullu 47°36'18" (WGS84). Sumiiffimmit tassannga killinga ingerlavoq Qipisaqqup Sermia Avannarleq atuarlugu, taanna qiteraarlugu kangerlummuk, tassanngaaniit qeqertaq Sannerut kangimut kujammullu uiaarlugu imaanut atalluni. Kommuneqarfiup kimmullu kujammullu killingi tunngaviusumik killigitinneqarput tak. § 4.

Imm. 3. Kommuneqarfik Sermersooq: Kujammuk aamma kujammuk-kimmuk killingata Kommune Kujallip killingi assigai. Avammuk killinga kitaani Davis Strædemii ikerasak Oqummiap Paava atuarlugu Upernivik avannaqqullugu, kangimut avannamut-kangimullu Oqummiap Tasersuatigut, qoroq Naqinnerua atuarlugu. Tassanngaaniit Quassuup Quassuttarsuullu aariaat atuarlugu tassanngalu kangimut avannamut-kangimullu taseq Tasersuaq atuarlugu sermek Saqqap Sermia atuarlugu Sermersuaq kangimut atuarlugu allorniusaq avannamut 66°22'00", kimmuk 44°00'00" (WGS84). Allormiusamit tassannga kimmuk killingata atuarpa allormiusaq sanimukartoq kimmuk 44 avannamut allormiusaq avannamut 71°00'00", kimmuk 44°00'00" (WGS 84). Avannamut kangimut kommuneqarfik killeqarpoq titarnermik Kap Biotimii (Flemming Fjordip avanna-tungaani qaqqajunnaq allorniusaq sanimukartoq 72° -mit 10 km miss. kujasitsigisumi) kimmuk qaqqap aariaat atuarlugu tassanngaaniit Staunings Alper kangiatungeqqullugit tatsit Imeq-mik atillit avannaqqullugit. Taava kimmuk Stormpyntimut Kangersik Kiatteq-up avannaamut sineriaatigut, tassannga Kangersik Kiatteq-up avannamut sineriaat atuarlugu qeqertamut Immikkeertaa. Immikkeertaaniit kangerluk ikaarlugu ingerlaqqilluni Tuttut Nunaat napillugu sermimut Rypefjordip avanna-tungaaniit aamma tassanngaaniit Nunatarpaat kujaqqullugit allorniusaq avannamut 71°00'00" kimmuk 28°50'00" (WGS84). Tassanngaaniit allormiusaq sanimukartoq atuarlugu avannamut 71°00'00", kimmuk 44°00'00" (WGS 84). Avannamut killingata peqatigaa Tunup Avannaani Nunap Allangutsaaliukkap killinga (tak. § 5). Kommuneqarfiup kimmuk kangimullu killingi tunngaviusumik killeqarfittut killilerneqarput tak. § 4.

Imm. 4. Qeqqata Kommunia: Kujammuk kangimullu Kommuneqarfik Sermersooq-mut killeqarpoq. Avannamut killinga immamiit Nassuttooq atuarlugu Kuup Akuanut ingerlaqqillunilu Kuuk atuarlugu Inuppaat Quuat-nut, tassannga killinga kangimut titarneq narlusooq atuarlugu Kommuneqarfik Sermersuup killiganut kangimut killeqarpoq, allorniusat avannamut 67°32'00", kimmuk 44°00'00" (WGS 84). Kommuneqarfiup kimmuk killingi tunngaviusumik killeqarfittut killilerneqarput, tak. § 4.

Imm. 5. Qaasuitsup Kommunia: Kujammuk Qeqqata Kommuniannut kujammuk kangimullu Kommuneqarfik Sermersooq-mut killeqarpoq. Allorniusamit avannamut 71°00'00", kimmuk 44°00'00"-nit (WGS 84) kangimut killinga killilerneqarpoq allorniusaq ammuqartumit 44-mit (WGS 84) allorniusamit avannamut 78°00'00", kimmuk 44°00'00" (WGS 84) tassanngalu Sermersuaq napillugu Petermann Gletcherimut taannalu atuarlugu Ikeq-mut (Smith Sund, Nares Stræde, Kennedy Kanal aamma Robeson Kanal). Kommuneqarfiup kimmuk avannamullu tunngaviusumik killeqarfianit killilerneqarput tak. § 4. Kommuneqarfiup Pituffimmut tunngatillugu killingi pillugit tak. § 5.

§ 4. Kommuneqarfiit immamut killingi tunngaviusumik killeqarfittut killilerneqarput, tak. United Nations Bulletin no. 56, Imavinni Pisinnaatitaaffiit pillugit Isumaqaatigiissut. Taamaakkaluartoq kommunalbestyrelsit pineqartut Naalakkersuisut akuersineratigut sumiiffimmi maleruaqqusanik aalajangersaasinnaapput tunngaviusumik killeqarfinnik iluani atuuttusanik.

Aalajangersakkat immikkut ittut

§ 5. Kommuneqarfinnut aggorneqarnerup avataatigut ingerlanneqarput:

1) Kalaallit Nunaata illersornissaa pillugu angerfigeqatigiissut 27.april 1951-imeersoq malillugu danskit Amerikamiullu sakkutooqarfii. (Pituffik).

2) Tunup Avannaani Nuna Allanngutsaaliugaq. Nunap allanngutsaaliukkap killingi aalajangersagaapput Inatsisartut inatsisaat nr. 15 novembarip 9-anni 1988-imeersoq Kalaallit Nunaanni pinngortitamik eqqissisimatitsineq pillugu Inatsisartut inatsisaata §1, immikk.2-p 3-llu allannguutaat pillugu.

§ 6. Naalakkersuisut pisuni ataasiakkaani killingit pillugit najoqqutassanik erseqqinnerusunik aalajangersaasinnaapput.

§ 7. Kommuneqarfup aqqanik allannguineq pisinnaavoq taamaallaat Naalakkersuisut siusinaartumik akuersineratigut Nunat Aqqinik Aalajangiisartut innersuussutaat malillugit.

Atuutilernissaa

§ 8. Inatsisartut inatsisaat manna atuutilerpoq ulloq 1. januar 2009. Peqatigitillugu atorunnaassaaq Kalaallit Nunaata nunap immikkoortuinut kommuninullu aggornera pillugu Inatsisartut inatsisaat nr. 11, 30. oktober 1998-imeersoq kingusinnerusukkut allanguutitalik.

Namminersornerullutik Oqartussat, ulloq 5. december 2008

Hans Enoksen

/

Peter Schultz

Ilanngussaq I

Ilanngussaq II

Ilanngussaq III

Ilanngussaq IV

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut